

Headline	Tabung Haji perkenal sistem City Check-In		
MediaTitle	Utusan Malaysia		
Date	06 Sep 2013	Color	Black/white
Section	Dlm Negeri	Circulation	197,952
Page No	5	Readership	833,287
Language	Malay	ArticleSize	90 cm ²
Journalist	N/A	AdValue	RM 1,183
Frequency	Daily	PR Value	RM 3,549



Tabung Haji perkenal sistem *City Check-In*

MADINAH, 5 Sept. - Lembaga Tabung Haji (TH) memperkenalkan sistem *City Check-In* di Madinah mulai tahun ini bagi mempermudah jemaah haji Malaysia berlepas pulang ke tanah air selepas menunaikan ibadah haji kelak.

Pengarah Operasi Haji Madinah, Mohd. Zawawi Bostam berkata, menerusi sistem itu, jemaah haji tidak lagi perlu menguruskan daftar masuk bagasi di lapangan terbang.

Katanya, sebagai projek perintis, sistem ini akan diperkenalkan untuk jemaah yang pulang ke tanah air dari Madinah dan jika ia didapati berkesan, projek ini juga mungkin akan diperkenalkan bagi jemaah yang bertolak pulang dari Mekah.

"Sistem *City Check-In* ini menawarkan perkhidmatan mendaftar masuk jemaah dan menimbang bagasi di hadapan pintu bilik penginapan masing-masing dan kemudiannya mereka tidak lagi perlu menunggu untuk daftar masuk bagasi di lapangan terbang," katanya di sini hari ini.

Beliau berkata, TH juga telah memasang alat pengimbas di pintu masuk hotel-hotel penginapan jemaah di Madinah dan sistem ini adalah adalah satu pembaharuan yang dilaksanakan tahun ini.

Sebanyak 22,320 jemaah haji dengan 65 penerbangan dari Malaysia akan menunaikan rukun Islam kelima di tanah suci tahun ini dan jumlah itu berkurangan 20 peratus berbanding tahun sebelumnya. - BERNAMA